



ENTIDADE PÚBLICA EMPRESARIALPORTOS DE GALICIA

PREGO DE BASES POLAS QUE SE REXERÁ A CONVOCATORIA PÚBLICA DE SOLICITUDES DE AUTORIZACIÓNS DE FONDEO NO POLÍGONO DE FONDEO DE PORTOS DE GALICIA DO PORTO DE LAXE.

CONVOCATORIA PARA EMBARCACIÓNS DEPORTIVAS (7ª LISTA)

ÍNDICE:

CAPÍTULO I DO PROCEDEMENTO PARA A ADXUDICACIÓN DAS AUTORIZACIÓNS DE FONDEO.

ANEXOS:

I - PREGO DE CONDICIÓNS DAS AUTORIZACIÓNS

II.- IDENTIFICACIÓN DAS PRAZAS DE FONDEO OBXECTO DA CONVOCATORIA.

III – MODELO DE INSTANCIA DE SOLICITUDE DE AUTORIZACIÓN.





PREGO DE BASES POLAS QUE SE REXERÁ A CONVOCATORIA PÚBLICA DE SOLICITUDES DE AUTORIZACIÓNS DE FONDEO NO POLÍGONO DE TRENDS FONDEO DE PORTOS DE GALICIA DO PORTO DE LAXE.

CONVOCATORIA PARA EMBARCACIÓNS DEPORTIVAS (7ª LISTA)

CAPÍTULO I

DO PROCEDEMENTO PARA A ADXUDICACIÓN DAS AUTORIZACIÓNS DE FONDEO

1.- PROCEDEMENTO PARA A ADXUDICACIÓN DAS AUTORIZACIÓNS DE FONDEO

As autorizacións de FONDEO obxecto deste prego adxudicaránse mediante convocatoria pública, de conformidade co procedemento IF501A publicado na sede electrónica da Xunta de Galicia e polo presente Prego de Bases e de Condicións a disposición dos interesados na páxina web de Portos de Galicia www.portosdegalicia.com

Tendo en conta que o procedemento de solicitudes de atraque de embarcacións deportivas, é equiparable polas características da solicitude e da tramitación do expediente ó de fondeo, as solicitudes formalizaránse polo citado procedemento IF501A publicado na sede electrónica da Xunta de Galicia

2.- TIPOS DE PRAZAS E TARIFAS A SATISFACER POLOS ADXUDICATARIOS

A presente convocatoria ábrese unicamente para embarcacións deportivas (7ª lista) e as prazas vacantes son as seguintes:

A identificación e situación das distintas prazas DE FONDEO reflíctese no plano engadido no Anexo I- Identificación das prazas de amarre, a disposición dos interesados na páxina web de Portos de Galicia www.portosdegalicia.com

Portos de Galicia, unha vez rematado o prazo de presentación de solicitudes, poderá, se así o estima conveniente, modificar as dimensións e emprazamento das prazas para adaptar a distribución das mesmas ó resultado da convocatoria. Asemade, se como resultado da convocatoria fose necesario ampliar ou reducir a oferta dos puntos de fondeo, redistribuílos, renumeralos ou variar a súa posición, poderá facelo de maneira xustificada e conservando as súas características xerais, tendo dereito o solicitante que se vira afectado polas modificacións a renunciar á autorización adxudicada sen dereito a indemnización algunha.

O adxudicatario deberá abonar a Tarifa portuaria vixente en cada momento de aplicación ás embarcacións deportivas e de recreo (Na actualidade a Tarifa X-5 das contempladas na Lei 6/2003, do 9 de decembro, de taxas, prezos e exaccións reguladoras da Comunidade Autónoma de Galicia. D.O.G. nº 240, do 11 de decembro de 2003).





Para o abono da tarifa X-5 considerarase que a embarcación ten base no porto, polo que en virtude da regra sétima da citada Lei 6/2003, esixirase ó concesionario o pago por semestres naturais adiantados da tarifa mediante domiciliación bancaria.

Se o titular da autorización empregase tomas de fornecemento de auga ou enerxía localizadas no porto a través de tomas, este deberá abonar ademais da tarifa X-5 citada anteriormente, a correspondente a este tipo de fornecementos (na actualidade a tarifa E-3)

3.- PRAZO DAS AUTORIZACIÓNS

As autorizacións de FONDEO adxudicaranse polo prazo indicado no prego de condicións.

4.- PRESENTACIÓN DE SOLICITUDES

4.1. Modelo de solicitude, documentación e medios:

O modelo de solicitude para as prazas DE FONDEO, a documentación necesaria, así como os medios estarán a disposición dos interesados na sede electrónica da Xunta de Galicia, anexo I do procedemento IF501A, ó cal poderá acceder a través do seguinte enlace:

<https://sede.xunta.gal/detalle-procedemento?codtram=IF501A&ano=2020&numpub=1&lang=gl>.

4.2. Prazo:

A data de inicio do prazo de presentación de solicitudes indicarse no anuncio publicado no Diario Oficial de Galicia, e Portos de Galicia resérvase o dereito de pechalo cando así o estime oportuno, rexendo en todo caso as condicións previstas nesta convocatoria e sen prexuízo das actualizacións dos prezos sinaladas no prego de condicións que rexe a mesma.

Nembargantes, e a efectos de adxudicar as autorizacións de FONDEO segundo se van recibindo solicitudes, cada mes se realizará unha preasignación e posterior adxudicación das solicitudes que se recibiran durante ese período; contando, a efectos de prioridade, o sinalado na condición 5ª do presente prego de bases entre as solicitudes recibidas ata ese período concreto.

5.- SELECCIÓN DOS ADXUDICATARIOS

A orde de prioridade na selección e adxudicación das autorizacións de FONDEO solicitadas virá determinada polas seguintes consideracións indicadas por orde preferente:

1º.- Aquelas embarcacións que, sendo presentadas as solicitudes en prazo e correctamente, non dispoñan de ningunha outra praza de amarre ou fondeo en ningún porto galego.





2º.- Data e hora de presentación das correspondentes solicitudes. Se por calquera causa non se acreditase a hora na solicitude polo organismo oficial correspondente, computarase como hora de entrada en rexistro as 14:00 h.

As solicitudes que non presenten toda a documentación non serán tidas en conta. En caso de que se presenten solicitudes coa documentación incompleta, e esta se complete posteriormente, a data e hora que se considerará para a selección será a do rexistro da última documentación presentada.

Os solicitantes que non poidan obter unha autorización de FONDEO poderán acceder a unha lista de espera, das que se formará unha por cada categoría de prazas existentes no porto, para a adjudicación das prazas de FONDEO que poidan quedar posteriormente dispoñibles por calquera motivo.

6.- ADXUDICACIÓN DAS AUTORIZACIÓNS DE FONDEO

Á vista das solicitudes presentadas e dos criterios propios da axeitada explotación portuaria, Portos de Galicia adjudicará as correspondentes autorizacións de FONDEO, previos ós trámites que procedan. Asemade, no intre en que Portos de Galicia adjudique as autorizacións de FONDEO, procederase á liquidación con cargo en conta da taxa portuaria correspondente segundo o disposto na Lei 6/2003, de 9 de decembro, de taxas, prezos e exaccións reguladoras da Comunidade Autónoma de Galicia.

7.- POSTA A DISPOSICIÓN DAS PRAZAS.

As prazas entregaranse no intre en que sexa outorgada a autorización de FONDEO.

A Coruña, 27 de maio de 2021.

*Asinado electrónicamente pola Xefa da Zona
Centro: Lorena Solana Barjacoba*

